

# KUTIPAN TABUNG PAHLAWAN BERJAYA MELEBIHI SASARAN AWAL

[airforce.mil.my/berita/acara-rasmi/5538-kutipan-tabung-pahlawan-berjaya-melebihi-sasaran-awal](http://airforce.mil.my/berita/acara-rasmi/5538-kutipan-tabung-pahlawan-berjaya-melebihi-sasaran-awal)

KUALA LUMPUR, 21 Okt 2019 - Majlis Makan Malam Amal Kempen Tabung Pahlawan 2019 yang diadakan di Wisma Perwira ATM malam tadi bertujuan meraikan dan menghargai penyumbang dana sejak pelancaran kempen pada Ogos lalu.

Setakat ini, jumlah kutipan berjaya melebihi sasaran iaitu sebanyak RM9,196,379.15 dan diharapkan jumlah ini akan meningkat dari semasa ke semasa. Antara penyumbang terbesar ialah ADAP 4ority Global Sdn Bhd yang menyumbang RM1 juta dan tajaan RM400,000, diikuti dengan Yayasan Al-Bukhary, dan Weststar Group yang masing-masing menyumbang wang tunai sebanyak RM1 juta.

Kementerian Pertahanan dan JHEV ATM mengucapkan setinggi-tinggi penghargaan kepada semua penyumbang yang menunjukkan keprihatinan di atas pengorbanan pahlawan-pahlawan negara.

“Pelbagai inisiatif telah dijalankan antaranya ialah beberapa promosi yang dilaksanakan melalui pelbagai platform untuk menguar-uarkan kepada segenap pelusuk negara. Ia termasuk kepada mengadakan program seperti semarak kasih veteran: Food for Gelandangan, Kempen Derma Darah dan juga beberapa siri ‘flash mob’ di sekitar kawasan Kuala Lumpur”, Menteri Pertahanan, YB Mohamad bin Sabu ketika berucap di majlis tersebut.

Dana tabung pahlawan ini akan dimanfaatkan untuk tujuan bantuan kebajikan kepada Veteran ATM dan ahli keluarga secara menyeluruh merangkumi Veteran Kelainan Upaya (VKU), bantuan kepada balu dan anak-anak veteran dalam kategori OKU, memberi bantuan kepada veteran yang terlibat dalam musibah dan bencana alam, bantuan ehsan bagi veteran dan balu veteran yang dalam keadaan daif, bantuan kepada asnaf veteran ATM, bantuan perubatan dan bantuan pendidikan anak Veteran ATM yang memerlukan.



Majlis ini turut dihadiri oleh Perdana Menteri, Tun Dr Mahathir Mohamad dan diiringi isterinya Tun Dr Siti Hasmah selaku Penaung Tabung Pahlawan, Panglima-panglima Perkhidmatan, Pengurusan Tertinggi MinDef, Pegawai Kanan Awam & tentera serta warga veteran.



